

تاریخ عثمانی انجمنی

۱ شاپ
۱۳۳۲

بدیعی سنه
نومرو ۴۲

مجموعہ سی

ماجارستان تاج حكمداريسی

ماجارستانك يېكې قرالی دردنجی قارول حضرتلرینك رسم تنوچی، ۱۹۱۶ سنه سی کانون اولنك اوتوز برنجی کونی، ایکی عصر دن پرو رعایت اولنان غننه تاریخیه موجبجه اجرا ایدیلدی :

قرال وقرالیچه حضراتی سرایدن آلتی آتلی بر سلطنت آراباسنه راکباً بودین قلمه سی جوارنده « سنت اشنوان » (۱) تنوچ کلیسانه واصل اولدیلر . کلیسا دروننده ، هاببورغ خاندانندن آرشیدوق و آرشیدوشلر و آوستریا و ماجارستانك ایکی هیئت وکلاسی ، دول متحابه سقراسی وپشته ده کی باش شهیدرلر و ماجارستان ، « ماغنا ت » دینلین ، اعیانی ایله بالجله مبعوثانی ملی لباسلرینی لابس (۲) اولدقلری حالده حاضر ایدیلر . قرال وقرالیچه ، معبدك اورتاسنه موضوع کریده قیصه بردعا ایتدیکدن سوکرا محل مقدسه طوغرو ایلروله یهرك ، اوراده ،

(۱) بوکلیسا ، بودین شهری اداره عثمانیه ده ایکن (۱۵۰) سنه فتحیه جامی نامیله ، معبد اسلام اولسدر . کل بابانك جنازه نمازی قانونی سلطان سلیمان حضرتلرینك حضوریه ابوالعود افتدی طرفندن بوجامعه ادا ایدیلدیکی اولیا چلبی سیاحتنامه سنك آلتنجی جلدینك (۲۲۵) نجی صحیفه سنده مذکوردر .

(۲) ماجارلرك بوکون دخی اونیفورمه اتخاذ ایتدکلی ملی لباسلری ، حتی متنوع سروشلرینك اکثری طوقوزنجی ، اوتنجی واون برنجی اعصار هجریه ده تورکلرك اکتا ایلهدکلی پینیش ولامه وکورکلی نیتن وقلای لرك مان عینیدر . یالکتر ماجارلر اوتنه دن پرو بزم انتاریمزه مقابل بول بریانطولونی ترجیح ایله مشلردر . اساساً تورکلر ایله ماجارلرك وپولونیا لیلرك ملی ودرسی لباسلری مان مشابه اولوب بونلر یکدیگرلرندن استماره لر ایدهرك کوه لرینی برطرز مهیب ودلیذیره ارجاع ایتشلردر . بو اوچ قوم نجیک ثوب تاریخلرینك تدقیقندن مفید نتیجه لر حاصل اوله یلیر .

ماجارستان (بالائن) ی مقامہ قائم اولان رئیس وکلا قونت تیا طرفندن
 « تاج مقدس » قراک باشنه وماجار حکومتک مؤسی اولان آباد
 خاندانندن ایلک خرستیان حکمداری « سنت اشتوان » ک صیرمالی
 حرمانیسی صیرتنه قونہرق آلہدہ ینہ تاریخی برکز ویریلرک مشارالہ
 حضرتلری ماجار قرالی اعلان ایدیلدی و بوسیراده حاضرین « آلین
 آقرالی » یاشسون قرال نداسنی رفع ایلہدی . بعدہ کلیساک میدانه
 جیقہرق آجقده عروج عیسی مصور برمرمر ستونک قاعدہ سنده کی
 محل مخصوص اطرافقده ماجارستانده کی مذاہب خرستیانیہ منسوب
 رؤسای روحانیہ حاضر اولدقلری حالہ قاردینال « چارنوح » طرفندن
 ماجارجہ قرائت اولونان تخلیف نامہ متنی قرال جانبدن حرف بحرف ،
 اوج دفعہ ، علی ملال الناس تکرار ایدیلدی .

بالآخرہ حاضرین یایا اولہرق وسانجاق بکلری مقامہ قائم اولان
 ومختلف قوبینارک (ولایت) باراقلرینی حامل بولونان ارباب اصلتک
 برجونی زر دوز غاشیہ لی آتله را کباً سرای میدانه کلدیله .

قدیم عثمانلی خلعتلرینک مثلی لباسلر ایلہ مزین اولان ماجار اکابرندن
 مرکب بوآلایک کورونوشی ویورویوشی کوچوک قطعده بر موکب
 هایونک تاریخدہ کی مشی عظمتہ مشابہ ایدی .

سرای میدانده ، عادات قدیمہ دن اولدینی اوزرہ ، ماجارستانک
 منقسم بولوندینی آلتیش اوج قومیتہ نک ہر برندن برر مقدار طوپراق
 کتیرتیلہرک تشکیل اولونان کوچوک برتہ نک اوستہ قرال برآق آتہ
 سوار اولدینی حالہ جیقہرق ، قوشاندینی تاریخی قیلیجی صیرہرق
 جہات اربعہ یہ طوغرو متجلدانه و سر بلندانه اوضاع ایلہ ساللامش
 وبوصورتلہ ماجارستانی دورت طرفدن تہدید ایلہ بیلہ جک دشمنلرہ
 قارشى مدافہ ایلہ یہ جگنی وعد و اعلان ایتشد و آیین تنوچدہ بومراسم
 ایلہ ختامبذیر اولمشدر .

اشو رسم تنوج مناسبتله « تاج مقدس حکومتی » دینلین ماجارستانک، هیچ بر ملتک سرگذشتنده تصادف ایدیله مه یه جک، ضریب ماجرالره دوچار اولان و بزم تاریخ ملی و سیاسیز ایله ده علاقه دار بولونان، افسر قدیمی حقنده بعضی معلوماتک اعطاسی فائده دن خالی کورولمده دی. بواکلیل اون عصر دن برو ماجارلرجه بر « طلسم سلطنت » تلقی اولونوب بونشانه حکمداری ایله ترین رأس ایله مه یین قرالیر رئیس ملت عد ایدیله مش و بوجهتله تاریخده ناجار ساخته تاج کین قرالیرک باشلیرنه فلاکتلر کلشدر.

والده سنک یرینه ماجار تختنه یکن ماریا تره زانک اوغلی ایکنجی ژوزه فک نامی، یکرمی سنه یی متجاوز حکومتیه رغماً، تاریخده ماجار سله حکمداریسی آراسه کیره مشدر.

بوتاج وقیله ایکی پارچه دن مرکب ایدی. اوست قسمی، مؤسس حکومت اولان آرپاد خاندانک رئیس « اشتوان »، اولزمان پاپانک بورالره کوندردیکی بعضی قاتولیک میسیونرلرینک زربفت و مشتع لاسلیرنه و حیاتلرینک آرایش قاییلهرق، بو حکمدارک خرسیتانلنی قبول ایتمه سی اوزرینه، میلادی (۱۰۰۰) تاریخده پاپا ایکنجی (سیلوه ستر) (۱) طرفدن ویریلشدر. تاجک بوقسمی یاریم کره شکلنده بر آلتون طاس اولوب ذروه سنده حضرت عیسانک مینا کاری بر تمثالی و دورت طرفنده حواریونک ینه مینه ایله ایشله مش رسملری وارددر. تصویر عیسانک اورتاسه برخاچ دیکیلشدر. آرپاد (تورکجه تعییرله آرپا) خاندانک قاتولیک مذهبه کیرمه سی و بوکا مکافاة پاپانک تاج مرصعی کیمه سی بلاعوض اولماشدر. ماجار حکمدارلری بوکا بدل جواهر حریرلرینی واتیقانه تسلیم ایتمشدر. ماجارستانده پک چوق زمان (۱) پاپا « سیلوه ستر » کنجلیکنده ریاضیات و حکمیاتی اندلده کی اسلام مدرسه لرنده تحصیل ایله مش ایدی.

پاپارک تحت نفوذنده قالشدر .

تاجک آلت قسی ، ماجارستان حکمداری « کهزا » نک روملر ایله واقع اولان برحاربه نتیجه‌سنده بلغرادى ضبط ایله مه‌سیله اسیر آلدینی یزانسیلره حسن معامله ایتمه‌سه مقابل نشانه شکرانه اوله‌رق (۱۷۰۳) تاریخنده یزانس حکمداری « میشل دو قاس » طرفندن هدیه ایدیلشدر . بر آلتون جنبه شکلنده در . ایکی طرفندن و آرقا جهتنده کی آلتون زنجیرلرک اوچندن یونجه بیچمنده ذی قیمت طاشلر سارقار . جنبه‌رک اوستده اولک طرفنده ، اورتودوقس مذهبی اعزه‌سندن دورت ذاتک مینلی رسلرله آرقا طرفنده ، اورتاده سالف‌العرض (میشل دو قاس) ک و ایکی جهتنده (قونستانن پورفیروزه‌نت) ایله ماجار حکمداری (کهزا) نک تصویرلری محکو کدر . بو اوج رسک کنارلرنده صاحب‌لرینک هویتلرنی کوستر بر روجه یازیلر واردر .

ماجارستان قرالی کهزاتک تصویرینک ایکی طرفنده :

Γεωβίτης Δεσπότις πιστός Κραλῆς Τουρχίας

که‌اودی‌تس ده‌سپوتیس پس‌توس قرالیس تورکیاس
یعنی « امیر صادق تورکیا قرالی که‌اودی‌تس (کهزا) » یازیلدر .
اسکی یونان و عرب مؤرخلرینک ماجارلری « تورک » نامیه یادایتدکلری
بر حقیقت ایسه ده‌ها عثمانلی تورکلرینک آناطولی‌یه هجرتلرندن برعصر
مقدم ماجارلرکده کندیلرینه بو تام مفخرتی ویردکلری ، بو عنوان ایله
موشح بر تا جی قبول ایتمه‌لرندن و برده‌غایت اسکی طائله‌لردن پک‌چوقلری
آراسنده ، زمان قدیمدن برو « توروک » یعنی تورک تسمیه ایدیلر
کنه‌لر ، فامیلیا اسملری موجود اولماسندن آکلاشیلیر .

یزانس امپراطوری میشل دو قاسک ویردیکی بومرصع چلنکک
اوسته ، پاپا ایکنجی سیلوم‌سرتک هدیه ایتدیکی آلتون طاس لهمله‌ن‌رک

ایکیسی برابر بر تاج مقدس عد اولونوب ماجارستانک تمثال استقلال
حکمنه قونولمشدر .

تودکلرک ماجارستانکی استیلا ایتدکلری برصیراده تاج عجله برکوچوک
سندوقه قونقله اوستنده کی صلیب ایگریش و او زماندن بوکونه قدر
مائل براقلمشدر . الیوم ، اکیلل وسائر امانات (بودا) ده سرای
حکمداریده بردمیر چکجه اینجده صاقلانمقده در . بو حفظه مک ارباب
اصالتدن بری قاتولیک وبری پروتستان ایکی محافظ و مفتاحداری
واردر .

بوافسر مقدسک سرگذشتی دخی غرائب آمیزدر :
آرپاد خاندانک اقتراضندن سوکرا جهستان قرانک مخدومی
« وهن سلاس » ، آئزوعائله سندن « شارل روبر » . رغماً ، ماجارستان
قرالغنی غضب ایتمکی تصمیم آله مکله ، بدرینک یاردمیله وحیله ایله تاج
حکمداری بی باشنه ، خلعت حکومتی صیرتنه قویه رقصیف افتخاری ده
قوشانه رق عونیه یله (۱۳۰۸) تاریخنده بودادن بوهمیایه ، تاد براغ ،
قدر فرار آله دی . انجاق بر قاج سنه سوکرا ، ماجار قرالغنه نامزد
اولان باورالی « اوتون » تاجی چه قرالندن استرداد ایتدی . وپشته
کتیریر ایکن ضایع آله دی و تکرار بولدی . نهایت بونشانه حکمداری
ایله پای تحت زقاقلرنده ، والا بر آلا ی ایله ، اصولاً کزدکدن سوکرا
قرال طانیلیدی .

برمدت سوکرا « اوتون » ی بغه اسیر وحبس ایدن « آردل »
وویووده سی « آبور » ، حکمداریخی صویه رق تاجنی وخلقنی آله ایتمش
واونی قرالقدن تجرید آله مشدر و امانات حکومتی برخیل سنه لر کیسه یه
ویرمه مش ، ماجارستان دخی قرالسز قالمشدر .

پایانک تفوذیله اوچنجی دفعه ، فقط دیگر بر تاج ایله تتوج ایدن
« شارل روبر » ، ماجارلر طرفندن خالص تاجدار اوله رق طانیلما دیندن

نهایت وویووده دن هزار مشکلات و مساعی ایله افسر استرداد اوله‌رق دردنجی دفعه وعبنی مراسم ایله «شارل» تنوچ ایدیلش و آندن سوکرا حقیقی برقرال اوله‌رق طاینشدر .

بعده های حکمرانی کاه یکی طوغان بر چوجوغک باشه قونمش ، کاه سه‌لرجه بریشیک ایچنده صاقلانش وکاه ، قدسینه رغماً ، قرالیچه آلیزابت جانبدن (۲۸۰۰) دوقه آلتونی مقابله‌نده ، ویا نه‌ده ۲۳ سنه رهن اوله‌رق براقلمشدر . ماجارستانی استیلامز اواننده ، ویا نه محاصره‌سنده (۱۵۲۹=۹۳۶) طونه ساحلنده وپشته جوارنده «ویشه غراده» قلمه‌سی آلیزه کچنجه ، دروننده بولسان بوتاج دخی اغتنام اوله‌رق برمدت اردوی هایون خزینه‌سنده حفظ ایدیلدکن سوکرا، موهاج حربی انساننده فرار ایدرکن، بریاققلنه صاپلانه‌رق فوت اولان قرال ایکنجی «لایوش» زماننده محافظ تاج وامانات اولوب بالاخره طرف حکومت سنه‌دن ، اسپانیا قرالی مشهور شارل کنک برادری ، اوستریا حکمداری «فردیناند» رغماً ، ماجارستان قرالی نصب بیوریلان «زابونی یانوش» احسان ایدیلدی (۱۵۵۰) (۱) .

۱۷۰۳ ده راقوچی اختلالنده تاج ویا نه قاجیریه‌رق طقوز سنه اوراده‌قالدی . ۱۷۸۳ ده ماری ترمزک مخدومی ایکنجی ژوزه‌ف طرفندن ینه ویا نه آلدیریلدی . یدی سنه سوکرا تکرار بوراده‌کی سرایه اعاده‌سنده اهالیک مسرتی مرتخیمک فوقنده ایدی . اکللیک ورودی بش یوزباره طوب آتیه‌رق سلاملاندی . آرتق بوتاجه محبت برعبادت برینه کچشدی . نهایت ۱۸۴۹ اختلالنده تاج «بارتوله‌مئوس سه‌مه‌ره» اسمنده‌کی اصل وحتلی برذات طرفندن قاجیریه‌رق ، اورشووا

(۱) عثمانی استیلاسی انساننده تاجک عثمانلیل طرفندن نه‌سورتله ضبط اولوندیفته و تکرار ماجارلر نه‌سورتله ویرلایکته دائر معلومات، پچوی تاریخک برنجی جلدنده محرردر .

قصبه‌سند آله قلعه ساحله قریب بر محله ایکی آغاچ آراسه کومولش
ودورت بیل سوکرا، «سه‌مه‌ره» نک تورکیه فراری حسیله افسر
برچوق آرانیلدقدن سوکرا بولونه‌رق بوارده‌کی سرایده‌حفظ ایدیلشدر.
تاجک ماجار ملتہ الفا ایلہ‌دیکی، پرستش درجه‌نه واران، عشق
وحرمتی تقدیر ایچون، قصبه مذکورده بوشانه استقلالک کومولش
اولدینی محله انشا اولنان برکوچوک معبدک حالا زیارتگاه اولدینی
ذکر ایتمک کافیدر. دینله‌بیلیرکه تاریخده، آریاد خانداندن باشقه،
ماجارلر کندی قانلرندن، کندی ملتداش‌لرندن، سوءطالع یوزندن،
مالک اوله‌مادقلری برتاجداره بدل، اسکی برتاجه کوکل باغلاملردر.
بواکلیلدن غیر ینه تاریخی برحرمانی، برطوبوز (۱) برکوچوک
یووارلق اوستده مرکوز برخاچ دخی امانات تاریخی‌دن عد اولنور.

احمد حکمت

(۱) اولیاچلی، سیاحتنامه‌سک مطبوع آلتنجی جلدینک ۹۶ نجی صحیفه‌سندہ
«بارچای» نام ترانیلوانیا پرنسک اصول‌معتاده اوزره‌توجنی تعریف‌ایدرکن:
«قرال جانب پادشاهدن کلن طوبوزی اُلنه آلوب» عبارہ‌سنی ذکر
ایتمکده‌ایسه‌ده بوطوبوزک عینی کرزاولدینی حقندہ بر خبر صحیحه دسترس اولنه‌مادی